

+ 65  
ANIMADVERSIONES ALIQUAE IN SCHEMA DECRETI "DE ACTVITATE MISSIONALI ECCLESIAE"  
a Cardinali Radulpho Silva H., Archiepiscopo S. Jacobi in Chilia, propositae.

AD GENTES / 3

Quoad Schema in genere:

- Integrum novum schema certo certius apparet multo melius Propositionibus praecedentibus.  
Laudanda videtur in specie doctrina theologica de Missionibus non solum propter profunditatem, integritatem et claram synthesim, sed etiam quia perficit et complet visionem doctrinalem ipsius mysterii Ecclesiae; in constitutione "Lumen gentium", etenim, pauciora dicuntur de hoc aspectu essentiali Ecclesiae. Si, insuper, prae oculis habetur quod principia doctrinalia de Missionibus applicanda revera sunt toti activitati apostololicae Ecclesiae, adhuc amplius laudandum est hoc schema propter doctrinam in eo contentam, quia opportune et profunde illuminare potest Schema Decreti De Apostolatu Laicorum, cuius expositione doctrinalis, nostro iudicio, non tam clara nec tam profunda et integra videtur.
- Quia tamen doctrina omnino laudanda est pro sua universalitate et profunditate, eo ipso criticanda videtur eius exclusiva applicatio ad unam tantum activitatem missionalem determinatis conditionibus historicis vinculatam. Haec applicatio limitat veram considerationem missionalem Ecclesiae, inducendo speciem aliquam utilitarismi in presentatione doctrinae et insinuando partialitatem ac restrictionem in opere missionali Populi Dei. Propter istud aequivocum quoad usum doctrinae Missionis sequeretur, exempli gratia, quod America Latina in genere non intraret in ambitum definitionis propositae in pagina 8a, et sic ex una parte non deberet esse speciale obiectum considerationis omnium Ecclesiarum constitutarum, et ex altera parte, cum in ea adsint permultae Ecclesiae particulares iam a seculis institutae, deberet collaborare ad opus "stricte"missionale mittendo sacerdotes et laicos ad regiones infidelium. Quod quidem evidenter absonum est. Si consideratur insuper quod proximi viginti anni in progressu historico Americae Latinae sunt omnino momentosi prout a labore apostolico seu missionali dumante ipsis peracto pendet futurum christianum totius Continentis, adhuc gravior apparat defectus schematis a nobis indicatus.
- Quoad ordinationem activitatis missionalis in genere videtur dicendum quod deberet vitari omne periculum centralismi exaggerati, praesertim si prae oculis habetur doctrina Collegialitatis in schemate De Ecclesia promulgatae, institutio Synodus Episcoporum a Summo Pontifice nuper statuta, et existentia Conferentiarum Episcopalium in unoquoque Continente evangelizando.

Quoad Schema in singulis capitibus:

Caput I

n.3

p.6, l.6-7 - corrigatur hoc modo: post "et sanari," dicatur: "cum pro paedagogia ad Deum verum vel praeparatione evangelica merito habentur." Ratio: magis positive proponenda est affirmatio secundum doctrinam n.16 Constitutionis "Lumen gentium".

n.4

p.7, l. 5 - addatur post "in cordibus": "etiam per carismata instillando." Ratio: ne minuatur vivifica animatio Spiritus Sancti.

- n.5  
p.7, l.27 - corrigatur "ad finem", pro "ad fidem", lapsus calami causa.
- n.6  
p.8, l.1-2 - introducatur post "haec exercetur." sequens pericopa:  
"Doctrinalia principia, ergo, quae hucusque explanavimus, ad intimam naturam ipsius missionis referantur ac nequeunt exclusive coartari ad aliquam specificam missionem christifidelium sed ad omnem activitatem ecclesiam necessario sese extenduntur.  
Unaquaeque tamen activitas apostolica in istis principiis fundatur et ab ipsis illuminari debet.  
Hic autem, in nostro schemate, agere volumus de aliqua speciali activitate missionali Ecclesiae secundum concretas conditiones historicas."  
"Dependent vero hae condiciones....."  
Ratio: Uti iam diximus in nostris animadversionibus in genere, debetur melius servari universalitas principiorum doctrinalium ex una parte ita ut doctrina non videatur coartari ac praesentari quasi utilitaristice, et ex altera parte ut melius percipiatur aspectus historicus concretus illius determinatae activitatis missionalis de qua in schemate.
- p.8, l.15 - hic et passim postea loquitur de "plantatione" Ecclesiae; hic tamen terminus sapit aliquod extrinsecismum fundatum in dualismo considerationis missionis Ecclesiae in Mundo.  
Forsan melius esset loqui de "formatione" vel "radicatione". . . .
- n.8  
p.9, l.42 - mutetur pfrām̄s inter virgulas "omnem...transcendunt", hoc modo:  
"peculiaritates stirpium vel nationum assumunt"  
Ratio: videtur quod idea assumptionis potius quam idea transcenditiae melius fundatum aspectum non-extraneitatis.
- Caput II
- n.10  
p.11, l.6-8 - supprimatur tota phrasis "quorum alii.....expresse negant".  
Ratio: enumeratio enim non est completa et videtur revera discutibilis.
- Art.1  
ad Titulum - p.11, l.13: potius quam "DE PRAEAMBULIS EVANGELIZATIONIS" dicatur: "DE EVANGELIZATIONIS INITIIS"  
Ratio: quia revera Dialogus cum Non-Christianis et Praesentia caritatis sunt vera inchoatio evangelizationis, quae suum primum initium habet non necessario in prolatione verborum; Jesus ipse coepit "facere" et docere.
- n.11  
p.11, l.25-26 - mutetur phrasis hoc modo: "et adlaborent ne homines nostrae aetatis nimia praeoccupatione progressus materialis absorpti a rebus divinis alienentur" . . .  
Ratio: ne videatur insinuari aliqua veluti contradictio cum iis quae in schemate XIII dicuntur de responsabilitate Laicorum in progressu hodierno; emendatio nostra melius exprimit defectus mancipacionis materialisticae.
- p.11, l.33- loco "dominum", dicatur "dominium", ut patet.
- n.12  
p.12, l.24 - substituatur "vera praeambula", pro "vera signa"  
Ratio: uti iam diximus quoad titulum haec expressio videtur verior quia in dialogo et caritate iam inchoatur evangelizatio.
- n.14  
p.13, l.19 - loco "sacramenta liberantur a daemone" dicatur:  
"sacramenta, liberati a daemone....."  
Ratio: ut melius appareat affectus positivus praecipuus et permanenter vitalis baptismatis, scil. filiatio adoptiva in Spiritu.

n.16

p.15,1.5 - substituatur "sancte serventur", pro: "servatis servandis ad applicationem perducantur" ...

Ratio: ne incidatur in suspicionem "latinizationis" vel, ut ita dicam, "occidentalizationis".

p.15,1.31 - loco ~~XXXVIII~~ "maxime in Urbe", dicatur: "etiam in Urbe"

Ratio: ne in minorem considerationem habeantur coeterae Universitates, praesertim si prae oculis habeatur in Universitatibus Urbis non necessario nec de facto adesse omnes specializationes.

Specialis mentio Urbis ("etiam"), etsi sine adverbio "maxime", iam est privilegiata indicatio specialium possibilitatum ad peculiarem formationem in Urbe.

p.15,1.39 - addatur post "Iuvat enim viros, qui" "de facto iam ministerio...."

Ratio: ad melius intelligendam totam propositionem.

n.17

p.16,1.6-7- loco "missionarii" dicendum esset "clericu", sed melius est mutare totam phrasim hoc modo: "Nostris diebus, cum tot sint multitudines evangelizandae, catechistarum..."

Ratio: ut leius respondeat realitati ac veritati.

n.18

p.17,1.18-27 - mutentur verba de modo indicativo ad modum subiunctivum, hoc modo:

1.20 "efficiantur"; 1.22 "nitantur"; 1.23 "adhibeantur";

1.24 "evadant"; 1.25 "edoceatur"; 1.26 "celebretur"; 1.27 "inducatur"

Ratio: veritatis causa.

## PATRIMONIO UC

Caput III

n.21

p.18,1.35ss.- dicatur "peculiarem vocationem missionarium diversimode inspirat."  
Coetera omnia suprimantur.

Ratio: ne proponatur descriptio valde discutibilis vocationis missionariae tum quoad singulos tum quoad Instituta.

Melior est affirmatio quaedam ampla.

p.19,1.1 - supprimatur "enim", ut melius concordet cum correctione anteriori.

n.22

p.19,1.9 - supprimatur "- et quidem per totam vitam-"  
Ratio: non videtur omnino et semper vera.

n.24

p.20,1.25-27 - post "...efficaciores recensentur", addatur: "et praesertim  
~~XXXIX~~ arte catechetica bene edoceri."

Coetera "fratres et Sorores....collaborare possint". supprimantur!

Ratio: ne restringatur necessitas praeparationis catecheticae  
ad solos Fratres et Sorores quamplurimos.

n.25

p.21,1.3-21- Tota ista paragraphus sapit aliquem "triumphalismum" non utilem  
ad rem.

Caput IV

In redactione finali huius capituli prae oculis habendum est, sicuti antea diximus in observationibus in genere, sive nova institutio Synodus Episcoporum, sive schema iam approbatum De Pastorali Episcorum munere, ne damnum feratur principio subsidiaritatis.

Caput V

n.34

p.24, l.31 - supprimatur "etiam"

Ratio: ne affirmatio appareat veluti simplex concessio.

n.36

p.25, l.15 ss. - in hac paragrapho praecipue percipitur defectus ille de quo locuti sumus in nostra secunda animadversione in genere.

Quid de America Latina secundum hanc paragraphum?

n.37

p.26, l.15-16- dicatur: "Presbyteri, cum cooperatores sint Ordinis Episcopalis, penitus intelligant totam suam vitam..."

coetera quae in istis lineis inveniuntur, supprimantur.

Ratio: non est hic locus proponendi doctrinam sacerdotii, praesertim si proponuntur affirmationes non tam clarae.

p.26, l.19-20.- supprimatur phrasis inter lineolas "-quod praecipue....consistit"

Ratio: eadem de causa ac supra.

n.38

p.27, l.4 - loco "perfectius" dicatur: "peculiari modo", veritatis causa.

Conclusio

p.28, l.21 - mutetur initium phraseos hoc modo: "Patres omnes una cum Romano Pontifice in Concilio adunati....

Ratio: ut melius videatur unitas Episcoporum cum Summo Pontifice, nec ansam suspicionis praebeatur alicuius separationis inter Concilium et Romanum Pontificem.

PATRIMONIO UC

Romae - 6 - X - 1965